

首页 / 医案心得 / 奉天王XX子，年二十八岁，周身发热，出白痧甚密。其家人谓其未病之时，实劳心过度，后遂得此病..

奉天王XX子，年二十八岁，周身发热，出白痧甚密。其家人谓其未病之时， 实劳心过度，后遂得此病..

奉天王XX子，年二十八岁，周身发热，出白痧甚密。经医调制失宜，迁延至旬日，病益加剧。医者又欲用大青龙汤减去石膏，王XX疑其性热，不敢用，延愚为之诊治。其周身发热，却非大热，脉数五至，似有力而非洪实，舌苔干黑，言语不真，其心中似怔忡，又似烦躁，自觉难受莫支。其家人谓其未病之时，实劳心过度，后遂得此病。参之脉象病情，知其真阴内亏，外感实热又相铄耗，故其舌干如斯，心中之怔忡烦躁又如斯也。问其大便，数日未行，似欲便而不能下通。遂疏方用生石膏细末三两，潞党参五钱，生山药五钱，知母、天花粉各八钱，连翘、甘草各二钱，生地黄一两半，蝉蜕一钱，俾煎汤三盅，分三盅，分三次温饮下，又嘱其服药之后，再用猪胆汁少调以醋，用灌肠器注射之，以通其大便，病家果皆如所嘱。翌日视之，大便已通下，其灼热、怔忡、烦躁皆愈强半，舌苔未退而干黑稍瘥。又将原方减石膏之半，生地黄改用一两。连服三剂，忽又遍身出疹，大便又通下，其灼热怔忡烦躁始全愈。恐其疹出回急，复为开清毒托表之药，俾服药数剂以善其后。

此证既出痧矣，原不料其后复出疹，而每剂药中皆有透表之品者，实恐其蕴有痧毒未尽发出也。而疹毒之终能发出，实得力于此。然非临时细细体察，拟方时处处周密，又何能得此意外之功效哉！

又：此证非幼科，亦因温而兼疹，故连类及之，且俾人知温而兼疹之证，非独幼科有之，即壮年亦间有之也。

【来源】盐山·张锡纯着《医学衷中参西录》

【时间】2005年9月7日

上一项：[（癫痫）痲疯治法](#)

下一项：[刘xx之幼女，年五岁，周身发热，上焦躁渴，下焦滑泻，迁延日久，精神昏愤，危至极点..](#)